

BACCALAURÉAT TECHNOLOGIQUE

SÉRIE STG

SESSION 2011

ÉPREUVE ÉCRITE DE LANGUE VIVANTE 2

OCCITAN - Languedocien

Durée de l'épreuve : 2 heures

Coefficient : 2 - spécialités CFE, GSI, MERCATIQUE

Coefficient : 3 - spécialité CGRH

***L'usage des calculatrices ainsi que du dictionnaire
n'est pas autorisé***

Ce sujet comporte 3 pages numérotées 1/3 à 3/3.

BAREME DE NOTATION STG	
Compréhension de l'écrit	10 points
Expression écrite	10 points

La pana

Tot èra planièr al país de Cocanha. Ausissiatz pas mai parlar dels miseroses, dels paures, de las injustícias e cadun i trobava son compte. I aviá pas mai de libres a l'escòla, pas mai de quasèrns, d'estilòs, d'ortografia, pas mai de poèmas, donc pas mai de poètas ! Pas mai de libres, donc pas mai d'escrivans. Tot anava pel melhor !

5 Solament, aquí qu'un ser la television e la ràdiò se calèron. La pana ! Sul pic, lo Rei Piotàs I^{èr} convoquèt los ministres. Que diable i podiá aver ? E la pana s'anonciava longa. Lo telefòn esquilava de contunh que las gents protestavan. A tot pèdre, caliá evitar que manifestèsson. Al cap de qualques jorns, la languina comencèt d'agantar la populacion. Que far un còp tornats del trabalh ? Lo fenestron¹ èra negre e la radiò muda ! La languina
10 creissiá e la demingra² començava de rosigar los esperits. Lo quite Rei e sa familha se languissián. Far als³ cavalons, a las cartas, las partidas de « òc ni non », res los gardava pas de languir. Mas lo Rei èra obligat d'èsser un exemple per totes, alavetz, s'esforçava de far lo qu'es totjorn urós e sorisent. Representava oficialament lo bonaür e la serenitat.

15 « Majestat, tot va fòrt mal, es la catastròfa. Avèm de mond qu'organizan d'amassadas las nuèches, de mond que s'acampan dins de cavas, d'apartaments o pels bòsques... bramèt lo cap de la polícia en passant lo portal del palais. E tot aquò, per se contar d'istòrias !

- E alavetz, passan lo temps !

20 - Majestat, es plan pus grèu qu'aquò ! S'amassan per escotar d'insurgents que legisson de libres a votz nauta ! de libres qu'avián resconduts⁴ dins los trastes⁵. De romans, de contes, de poèmas, de libres d'istòria... Los que sabon escriure còpian de libres pels autres. Avèm ausit dire que d'autors se meton a escriure d'istòrias novèlas. I a un libre que se passeja tanben, manuscrit, fotocopiat, e dins aquel libre, vos critican, Majestat.

- E cossí s'apèla, aquel libre ?

25 - « Tuem la languina ! », es lo títol d'aquel libre, respondèt, moquet, lo cap de la polícia. E lo Rei, tot emmaliciat, se metèt a córrer e a cridar per tot lo palais :

« O an tot, o lor ai tot balhat, lo bonaür, la tranquillitat e van cercar d'istòrias dins los libres ! Son pas que de somiaires, de trucionalunas, de pantaissaires. Los te vau tornar metre al trabalh, ieu, e lèu fach ! »

Claudi Milhet, *Plumalhon*, n°62, avril 2002.

¹ Lo fenestron... de la television

² La demingra : la languison, las idèas negras

³ Far a : jogar a

⁴ Rescondre : amagar, levar de la vista

⁵ Trast : granièr

I – COMPRÉHENSION DE L'ÉCRIT

1. Lo tèxt descriu un país
 - en guèrra
 - imaginari
 - dins la misèria

Donatz la bona responsa e trobatz tres elements dins lo tèxt per la justificar.

2. Lo jorn de la pana, las gents
 - manifestan
 - se calan
 - romegan

Trobatz la bona responsa e citatz la frasa qu'o permet d'afortir.

3. Que fan lo mond quand languisson ?
4. Es que la pana agrada al rei e a la polícia ? Perqué ?
5. Reviratz de « Majestat, es plan pus grèu qu'aquò » (l.21) fins a « vos critican, Majestat » (l.26)

II – EXPRESSION ÉCRITE

Avètz la causida entre los subjèctes 1 et 2 :

1. Qué se pòt pensar de la pana ? Es quicòm de bon o de marrit per la populacion ? (150 mots)
2. Contunhatz l'istòria per li donar una fin (150 mots)